



Në mbështetje të nenit 12, paragrafi 12.2, shkronja (d) të Ligjit Nr.03/L-040 për Vetëqeverisje Lokale të Kosovës ("Gazeta zyrtare e Republikës së Kosovës" Nr. 28/2008"), nenit 40 dhe nenit 57 të Statutit të Komunës së Rahovecit, Nr. 1005, të datës 29.3.2017, Kuvendi i Komunës së Rahovecit, në mbledhjen e mbajtur më datë 23.08.2024, merr këtë:

V E N D I M

Për dhënien e pëlqimit për ndarjen e mjeteve financiare

1. Miratohet propozimi i Kryetarit të Komunës Nr. Prot. 02/4547/24 i datës .01.08.2024 dhe i jepet **pëlqimi** për ndarjen e mjeteve financiare, në shumën prej 10,000.00 (dhjetë mijë euro), Shoqatës Zona e Pashtrikut.
2. Shuma e mjeteve të cekura në pikën 1 të këtij vendimi jepet për arsye të mbështetjes financiare për realizimin e projektit për ngritjen e shtatores së dëshmorit të atdheut, Tahir Sinani, në qytetin e Prizrenit, i cili ka kontribuar në organizimin e njësive të Ushtrisë Çlirimtare të Kosovës, në operacionet luftarake të njësive të UÇK-së, në rrugën e gjatë të përgatitjes për rezistencë të armatosur, ku roli i tij për të përgatitur njësitet për ideal dhe dashuri ndaj atdheut është vlerësuar nga bashkëluftëtarët, nga ushtarakët dhe oficerët e tjerë që iu bashkëngjiten luftës për çlirimin e Kosovës. Tahir Sinani, si një oficer aktiv i Ushtrisë së Republikës së Shqipërisë, mori pjesë drejtpërdrejt në luftën për çlirimin e pjesës së pushtuar të atdheut, duke udhëhequr njësi të ndryshme, për t'u dëshmuar si njëri nga komandantët e shquar të UÇK-së, po ashtu, u bë pjesë edhe në luftën për çlirimin e Kosovës Lindore (UÇPMB), në vitin 2000, si dhe në luftën e Ushtrisë Çlirimtare Kombëtare në Maqedoni, në vitin 2001.
3. Ndarja e mjeteve financiare do të bëhet nga kodi i subvencioneve.
4. Për zbatimin e këtij vendimi do të kujdeset Kryetari i Komunës dhe Drejtoria për Buxhet dhe Financa.
5. Pas miratimit nga ana e Kuvendit të Komunës së Rahovecit, ky vendim hyn në fuqi 15 ditë pas dërgimit në autoritetin mbikëqyrës, në kuptim të nenit 81 të Ligjit Nr. 03/L-040 për Vetëqeverisjen Lokale dhe nenit 8, lidhur me nenin 9 të Rregullores (QRK) Nr. 10/2019 për shqyrtimin administrativ të akteve të komunave, e ndryshuar dhe e plotësuar me Rregulloren (QRK) Nr. 06/2021 dhe 7 ditë pas shpalljes publike në tabelën e shpalljeve ose faqen ueb zyrtare të Komunës.

Vendimi u dërgohet:

- Kryetarit të Komunës,
- Shërbimit të Kuvendit,
- MAPL-së, dhe
- Arkivit.

KUVENDI I KOMUNËS NË RAHOVEC

01-Nr.238/24
Më datë:23.08.2024

